

indulgentiam volumus pertinere: ita tamen ut quicunque in anteactum tempus inlicitis incestisque se matrimoniis polluerunt, haec tenus adeptos se esse nostra indulgentia sciant, ut post tam nefaria facinora, vitam quidem sibi gratuletur esse concessam, sciant tamen non legitimos se suscepisse liberos quos tam nefaria coiunctio ne genuerunt. Ita enim fiet ut de futuro quoque nemo audeat inefrænatis cupiditatibus obedire, cum & sciant ita præcedentes admissores istiusmodi criminum venia liberatos, ut liberorum
a For. ar-
ceantur. quod inlicite genuerūt successiones * a careatur, quæ iuxta vetustatem Romanis legibus negabatur. Et optassemus quidem nec ante quicquam eiusmodi esse commissum quod esset aut clemētia remittendum, aut legibus corrigendum. Sed & post hanc religionem sanctitatemque in coniubiis copulandis volumus ab unoquoque seruari, ut se ad disciplinam legesque Romanas meminerint pertinere, & eas tantum sciant nuptias licitas quæ sunt Romano iure permisæ. Cum quibus autem personis tam cognatorum quam ex adfinium numero contrahi non liceat matrimonium, hoc edicto nostro complexi sumus. Cum filia, nepte, pronepteque, matre, auia, proaunia: & ex latere amita ac matertera, sororis filia, & ex ea nepte. Itemque ex adfinibus priuigna, nouerca, socrus, nuru, ceterisque quæ antiquo iure prohibentur: a quibus cunctos volumus abstinere. Nihil enim nisi hanc tantum ac venerabilis nostra iura custodiunt, & ita ad tantam magnitudinem Romanam gesta cunctorum non